



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Conciliorvm Omnivm Generalivm Et Provincialivm Collectio Regia**

Ab anno MCCCCXLVII. ad annum MDXXVII.

**Parisiis, 1644**

II. Quod ecclesia non sit inuisibilis.

**urn:nbn:de:hbz:466:1-15644**

vllum circa mores errorem, non est aliquando diuellenda, nec vlo patietur Christus a se diuortio illam separari, cum qua se futurum spopondit, vsque ad consummationem sacerdotii. Ea quippe non modo sponsa, sed & domus illa Dei est, quæ columna est & firmamentum veritatis, firmiter ædificata, bene fundata supra firmam petram. In quam licet descendat pluia, irruant venti, inundent flumina; euerti tamen non poterit, neque portæ inferi præualebunt aduersus eam, aut aliquando poterunt illi, qui expugnant illam a iuuentute sua. Non enim dormitabit neque dormiet qui custodit eam: is nimirum, qui ascendens in altum dedit quosdam quidem apostolos, quosdam autem prophetas, alios vero euangelistas, alios pastores & doctores, ad consummationem sanctorum, in opus ministerii, in ædificationem corporis Christi: donec occurramus omnes in unitatem fidei & agnitionis Filii Dei, in virum perfectum, in mensuram ætatis plenitudinis Christi: vt iam non simus paruuli fluctuantes, & circumferamur omni vento doctrinæ, in nequitia hominum, in astutia, ad circumuentionem erroris; sed maneat nobiscum in æternum Spiritus veritatis; & sanctificet nos in veritate. Ea, inquam, tabernaculum illud Dei cum hominibus, in quo habitabit cum eis, & ipsi populus eius erunt: & ipse Deus cum eis, erit eorum Deus. Extra quam, non secus ac quondam extra arcam Noe, nemo saluus esse possit, quin insurgentibus hæresum procellis obruatur. Ea ipsa vna est domus, in qua agnus paschalis manducari est iussus, & extra quam participatio mensæ Domini nequaquam potest haberi. Eadem quoque vnicæ est domus Rahab, qua conclusi, euadunt exterminium urbis Iericho, neque ancipitem sentiunt gladium, in exitium hostium fidei & ecclesiæ exertum. Vna igitur sancta & infallibilis ecclesia, quæ nec a caritate decidere potest, nec ab orthodoxa fide deuiare; cuius auctoritatem qui in fide & moribus secutus non fuerit, quasi Deum abnegauerit, (cui gloria in ecclesia & Christo Iesu in omnes generationes) infideli deterior habeatur.

## II.

Cum adeo explorata sit ex scripturis tum vnitatis ecclesiæ, tum sanctitas, ut qui secus ausit affirmare, manifestè statim impietatis conuincatur, apertissimum autem in hæ-

ANNO CHRISTI  
1527. reticos argumentum , & quo minore negotio contundi queant , sit eius auctoritas ; cuius definitiones & decreta , propter sui claritatem , non facile sint cauillis & tergiuersationibus obnoxia : operæ premium se facturos esse putauerunt , si quam inficiar non possunt , dolo tandem & versu- tis eludant . Id quod tum demum assedit fuerint , si pro sententia Lutheranorum inuisibilis & tota spiritualis , ac proinde nobis incognita credatur ecclesia . Nam quis futurus contentionis modus , vbi prouocatur ad iudicem , qui nec inueniri , nec inuentus internosci possit ? Atqui , inquit March. 18. Christus , si te corripi entem frater tuus non audierit , dic ecclesiae . Quid autem crassius , aut quid inutilius singi possit , si prorsus occulta sit & imperuestigabilis ecclesia , cuius maiores natu admonet Apostolus , vniuerso gregi , non quidem inui- Act. 20. sibili , attendere , in quo eos Spiritus sanctus posuerat epi- scopos ad regendam ecclesiam Dei ? Numquid inuisibilis illa , a qua pro Petro , cum carcere teneretur , assidua fie- Act. 11. bat oratio , aut in qua Timotheum conuersari docet Apo- 1. Tim. 3. stolus ? Non igitur fide tantum & internis charismatibus , sed confessione fidei , & externa ac visibili sacramentorum participatione constat , semperque constitit ecclesia , quæ ab ipsis incunabulis , communi & præscripta vnius & eiusdem fidei protestatione non caruit . *Vnum corpus* , inquit Paulus , *vnum Spiritus , vnum Dominus , una fides* . Sed ne ab his inuisibilibus tantum pendere videretur ecclesia , vnum adiecit baptisma . Etenim in uno spiritu omnes nos in vnum corpus baptizati sumus : siue Iudæi , siue gentiles , siue serui , siue liberi , omnes in uno Spiritu potati sumus . Quisquis igitur tergiuersandi studio inuisibilem & incertis sedibus errantem dixerit ecclesiam , non hæresim tantum dixisse , sed hæresum omnium puteum fodiisse iudicetur .

### III.

Absurdum non abs re videri possit , si tanto studio veteri synagogæ Deus adfuit , vt si quid in lege difficile vel am- Deut. 17. biguum occurreret , quod citra controuersiam a iudicibus & legisperitis absolui non posset , designato tamen cœtu non carerent , cuius arbitrio res tota finiretur : ecclesiam autem longe synagoga potiorem ita necessariis destituta auxiliis , vt prorsus non habeat , cui suborta de fide quæstione tuto satis inniti possit . Proinde cum certa sit & infallibili-

*Concil. Tom. 34.*

K k k k ij